



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXI. Ordinationes circa electiones Officialium Eremitarum Sancti
Augustini in Indiarum Provinciis.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

retur ipsis presentibus, si forent exhibitæ, vel
offensa.

Datum Romæ apud S. Petrum sub Annulo
Piscatoris die 12. Junii 1680. Pontificatus Nostri
Anno Quarto.

LXXX.

Confirmatur Decretum Congregationis, quo de-
finitum fuit, solum Priorem Generalem Ere-
mitarum S. Augustini habere jus aggregandi
ad Archiconfraternitatem Cincturatum; Vi-
carios vero Generales Discalceatos erigere
posse Confraternitates Corrigiatorum.

*Aliud consimile Decretum d. Congreg. Episcop., &
Regular. confirmatum fuit Constit. 63. Alias ema-
navit. infra pag. 267.*

Dat. 5. Julii
1680. An. 4.

INNOCENTIUS PAPA XI.

Ad futuram rei memoriam.

Facultatem a
Greg. XIII.
Priori Gene-
rali conce-
sam sibi vin-
dicarunt Vi-
carii Genera-
les.

EXponi Nobis nuper fecit dilectus filius Do-
minicus Valvaforius Prior Generalis Ordinis Fratrum Eremitarum S. Augustini, quod licet dudum fel. rec. Gregorius Papa XIII. prædecessor noster literas Patentes unionum, & aggregationum Confraternitatum, seu Societatum Cincturatum, quæ de cætero fierent Confraternitati S. Jacobi Civitatis nostræ, tunc suæ Bononiæ, sub nomine Prioris Generalis dicti Ordinis tantum expediti mandaverit: nihilominus nonnullis abhinc annis Vicarii Generales Congregationum Italiae, Galliarum, Hispaniarum, & Lusitanie Fratrum Discalceatorum Ordinis prædicti jus aggregandi hujusmodi Confraternitates ad Archiconfraternitatem Cincturatum in Ecclesia ejusdem S. Jacobi Bononiæ institutam, non obtenta super hoc a Priore Generali ejusdem Ordinis facultate, sibi competere prætenderunt: Ortaque, & diu ventilata super præmissis lite, Congregatio Ven. Fratrum S. R. E. Cardinalium negotiis, & consultationibus Episcoporum, & Regularium præposita Decretum desuper edidit tenoris, qui sequitur, videlicet -- In Causa Augustinianorum verten. inter Patrem Generalem totius Ordinis S. Augustini ex una, & Patres Vicarios Generales Discalceatorum Congregationum Italiae, Galliarum, Hispaniarum, & Lusitanie altera ex partibus -- Sacra Congregatio Eminentiss. S. R. E. Cardinalium negotiis, & consultationibus Episcoporum, & Regularium præposita Partibus auditis, referente Emo Crescentio, censuit non licere Discalceatis Jus aggregandi ad Confraternitatem Cincturatum Sanctæ Mariæ de Consolatione positam in Ecclesia S. Jacobi Bononiæ; posse tamen erigere Confraternitates Corrigiatorum in propriis eorum Ecclesiis tantum, servata tamen forma Constitutionis sa. me. Clem. VIII., incipien. *Quacumque &c.* emanat. sub die 7. Decembris 1604., & Decretum ejusdem Sacræ Congregationis, ideoque erectionem factam in Ecclesia Discalceatorum in Civitate Ulyssiponis esse nullam. Romæ 30. Septembris 1678. G. Cardinalis Carpineus.

Preces d.
Prioris Ge-
neralis.

§. 1. Cum autem sicut eadem expositio sub-
jungebat, præfatus Dominicus Prior Generalis Decretum hujusmodi, quo firmius subsistat, & fervetur exactius, Apostolicæ nostræ confirmationis patrocinio communiti, ac alias opportune in præmissis a nobis provideri, & ut infra indulgeri plurimum desideret; Nos ipsius Dominici Prioris Generalis votis hæc in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure, vel ab ho-

mine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes: supplicationibus ejus nomine nobis super hoc humiliter porrectis inclinati, Decretum præinsertum auctoritate Apostolica tenore præsentium confirmamus, & approbamus, illique inviolabilis, & Apostolicæ firmitatis robor adjicimus: salva tamen semper in præmissis auctoritate ejusdem Congregationis Cardinalium. Præterea ne pia Christifidelium devotio in acquisitione Indulgentiarum decipiatur, memoratis Vicariis Generalibus harum serie injungimus, ut Confraternitatum Cincturatum hujusmodi jam erectarum, & per eos, seu eorum Antecessores supradictæ Archiconfraternitati sine sufficienti facultate aggregationem a præfato Dominico, seu pro tempore existente Priore Generali Ordinis prædicti quanto citius fieri poterit, petant, ac tam præfatas Gregorii prædecessoris literas, quæ præinsertum dictæ Congregationis Decretum perpetuis futuris temporibus inviolabiliter observent, sub penis nostro, seu pro tempore existentis Romani Pontificis arbitrio imponendis.

§. 2. Decentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, plenissime suffragari; Sicque in præmissis per quoscumque Judices Ordinarios, & delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & ordinationibus Apostolicis, ac quatenus opus sit Ordinis, & Congregationum hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac insertis habentes, illis alias in suo robore permanentibus ad præmissorum effectum hæc vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel offensa.

Datum Romæ apud S. Petrum sub Annulo
Piscatoris die 5. Junii 1680. Pontificatus nostri
Anno Quarto.

Confirmantur quedam Ordinationes Generalis
Ordinis Eremitarum S. Augustini circa Elec-
tiones Superiorum, & Officialium in Quitensis,
aliisque Indiarum Provinciis.

Confirmatio
dicti De-
creti.

Vicarii Ge-
nerales pe-
tant a Priore
Generali ag-
gregationem
Confraterni-
tatum jam
erectarum,
& erigenda-
rum sub arbi-
trariis pen-
is.

Clausula.

LXXXI.

*Hæc de re vide Constit. Exponi Nobis, & Con-
stit. In supremo Militantis.*

INNOCENTIUS PAPA XI.

Ad futuram rei memoriam.

EXponi nobis nuper fecit dilectus filius Pro-
curator Generalis Ordinis Fratrum Eremitarum S. Augustini, quod ad tollendas omnes

Dat. 8. Aug.
1680. An. 4.

Causæ sequen-
tium ordina-
tionum.

contro-

controversias, quæ in Quitensi, aliisque Indiarum Provinciis dicti Ordinis circa electionum confirmationes a Præfidentibus, seu Confirmatoribus faciendas oriri possent, dilectus etiam filius Dominicus Valvasorius Prior Generalis d. Ordinis nonnullas ordinationes fecit, per quasdam suas patentes Literas, tenoris, qui sequitur, videlicet.

§. 1. Magister Frater Dominicus Valvasorius Mediolanensis totius Ordinis Eremitarum Sancti P. N. Augustini Prior Generalis -- Et si ad tollendam a Subditis occasionem insurgendi contra Patrem Provinciale, seu Rectorem Provincie, & alios Superiores in Capitulis Provincialibus, vel alias in Quitensi, & aliis Indiarum Provinciis respective electos, & confirmatos, eisque debitam obedientiam sub motivo nullitatis electionis denegandi per Constitutionem SSmi D. N. D. Innocentii Papæ XI: feliciter regnantis sub die 24. Mensis Martii 1678. incipientem. *Exponi Nobis &c.* ad nostram Instantiam emanatam satis opportune inter alia perpetuo statum sit, quod si in prædictis Quitensi, & aliis Indiarum Provinciis Electiones P. Provincialis, & aliorum per scrutinium secretum a majori parte Electorum factæ, & a P. Præsidente confirmatæ fuerint, omnes, & singuli alii defectus, etiam substantiales Juris, & facti, si forte in prædictis Electionibus, & confirmationibus intervenerint suppleri intelligantur, & pro suppletis habeantur, interim & quousque super prædictarum Electionum validitate, vel nullitate ad prædictas Quitensem, seu alias Indiarum Provincias respective nostra, vel successorum nostrorum, determinatio perveniat, prout in prædicta Constitutione Innocentiana latius continetur, ad quam &c. Quia tamen Patribus Præsidentibus, seu Confirmatoribus post prælaudatæ Constitutionis emanationem, nondum præscriptum est, quomodo, & qualiter auctoritatem confirmandi Electiones exercere debeant, ex quo in Partibus tam remotis faciliter contingi potest, ut prædicti Præsidentes, seu Confirmatores, sive ex officio, sive ad Instantiam Partis vel Partium, sub variis motivis, causis, vel prætextibus in gravissimum tranquillitatis, & pacis, immo & observantiæ Regularis, necnon tam Eligentium, & Electorum earundem Provinciarum, quam nostræ auctoritatis præjudicium, confirmationem, vel confirmationes Electo, vel Electis denegare, vel retardare, & consequenter salubrem effectum, & efficaciam antedictæ Constitutionis frustrare, vel impedire possint.

§. 2. Nos propterea eidem Constitutioni Innocentianæ inherentes, atque in hac parte hujusmodi Provinciarum Religiosæ tranquillitati, & paci consulere, ac tot malis imminentibus de remedio opportuno providere volentes, tenore præsentium, nostrique muneris auctoritate, necnon de consilio Ad. RR. PP., qui Nobis assistunt, perpetuo declaramus, statuimus, & ordinamus, quod si in prædictis Quitensi, & aliis Indiarum Provinciis in personam, vel personas, quæ tempore electionis, seu Electionum in quasi possessione saltem probabili vocis passivæ respectivæ, sive Electio, vel Electiones Patris Provincialis, seu Rectoris Provincie, Diffinitorum etiam additorum Visitatorum, Priorum localium, Vicariorum, Priorum, Judicum Causarum, & Scrutatorum Diffinitorii, item ac Discreti Capituli Generalis, necnon aliorum quorumcumque Officialium quocumque nomine nuncupatorum vocem activam in Capitulis Provincialibus habentium per scrutinium secretum, prout de jure faciendum a majori parte omnium Electorum in Capitulo Provinciali, aut in quocumque Diffinitorio, vel alias quomodolibet respective factæ fuerint, Patres Præsidentes Ca-

pituli, PP. Provinciales, & alii quicumque Superiores, in quibus auctoritas ordinaria, vel delegata confirmandi pro tempore quomodocumque resideat, prædictos omnes, & singulos Electos ut supra, eorumque singulares Electiones sine retardatione confirmare omnino teneantur, non obstante quocumque defectu, etiam substantiali, vel quacumque protestatione, vel appellacione, sive ante, sive post hujusmodi Electionem, vel Electiones facta, vel interposita, etiam de Jure. Quod si nihilominus hujusmodi confirmationem denegaverint, vel aliquo modo retardaverint, tunc hujusmodi Electus, vel Electi, eorumque singulares Electiones præsentium vigore toties quoties perpetuis futuris temporibus opus fuerit, confirmati respective sint, ac pro confirmatis habeantur, eodem prorsus modo, ac si a prædictis Patribus auctoritatem confirmandi habentibus, confirmati fuissent, quatenus sine obice suam respective auctoritatem, Officia, & dignitates libere, & licite exercere possint, & valeant in eo interim quod ad præscriptum prælaudatæ Constitutionis Innocentianæ super prædictarum Electionum validitate, vel nullitate ad prædictas Quitensem, & alias Indiarum Provincias nostra, vel successorum nostrorum determinatio respective perveniat, legitimeque intimata fuerit. Declarantes præterea, prout tenore præsentium declaramus privative quoad aliam quancumque auctoritatem, seu Jurisdictionem prædictarum respective Provinciarum, etiam P. Præsidentis, & Judicum Causarum, atque cujuscumque Diffinitoris, etiam Capituli Provincialis, ad nos, & successores nostros pro tempore existentes tam Congregationem, quam determinationem super nullitate cujuscumque Electionis, ut supra factæ, etiam ipso Jure contra tam ante, quam post confirmationem deducta, vel quomodocumque cognita dumtaxat pertinere.

§. 3. Præcipimus omnibus, & singulis RR. PP., ac Venerabilibus Fratibus cujuscumque qualitatis, conditionis, & dignitatis, etiam Provincialibus, & Præsidentis Capituli in prædictis Quitensi, & aliis Indiarum Provinciis nunc, & pro tempore existentibus in meritum salutaris obedientie sub privationis vocis activæ, & passivæ per decennium, ac excommunicationis majoris latæ sententiæ, quam hac una pro trina Canonica monitione præmissa in his scriptis, licet inviti ferimus, ipso facto incurrendis pœnis, ne sub quovis motivo, causa, vel prætextu impedimento sint, quominus præsentibus literæ, quas semper firmas, validas, & efficaces existere, & perpetuo fore decernimus, & declaramus suum integrum, ac plenarium in omnibus, & per omnia sortiantur effectum, nec eas de obreptionis, vel subreptionis vitio, aut de alio quocumque defectu, etiam auctoritatis, vel intentionis nostræ notare, seu impugnare audeant, vel attentent; sed potius statim ac hujusmodi literæ ad prædictas Quitensem, & alias Indiarum Provincias respective pervenerint, sub ejusdem privationis, & excommunicationis pœnis omni, & quacumque appellacione, & supplicatione remota, eas in quocumque Diffinitorio, etiam privato integre respective recipiant, in omnibus, & singulis casibus emergentibus ad literam observent, ac executioni mandent: Sicque in præmissis per quoscumque prædictarum Provinciarum, & Ordinis nostri Judices, & Superiores ordinarios, & delegatos, necnon per quoscumque Tribunalia, & Definitoria judicari, & definiri debere; ac irritum, & inane ipso facto, & absque alia declaratione, decernentes, si secus super his a quoquam quavis auctoritate, scienter, vel ignoranter fieri, vel attentari contigerit.

§. 4. Non obstantibus quibuscumque prædictarum Provinciarum Definitionibus, Actis, sta-

Alias earum literarum vigore ex tanquam confirmatæ censentur.

Quarum cognitio seu determinatio privative ad Priorem Generalem pertineat.

Clausula. Præcipitur præsentium observantia sub certis pœnis.

tutis,

Statutum fuerat a Pontifice, ut validæ censerentur electiones omnes confirmatæ a Præsidentibus donec innotesceret definitio Prioris Generalis.

At Præsidentibus præscriptus non fuerat modus confirmandi electiones.

Ideo declaratur, debere Præsidentes immediate confirmare electiones, semel ac factæ fuerint a majori parte Electorum.

tutis, & consuetudinibus, etiam immemorabilibus, necnon nostris, vel prædecessorum nostrorum Declarationibus, Statutis, Decretis, & Ordinationibus in contrarium præmissorum quomodolibet approbatis, confirmatis, concessis, innovatis, & emanatis. Quæ omnia, & singula inquantum præsentibus literis adferantur, seu contrariantur expresse revocamus, derogamus, & annullamus; ac revocata, annullata, derogata, & nulla nulliusque roboris, & momenti esse volumus, & declaramus, cæterisque contrariis quibuscumque &c. Datum Romæ in Conventu nostri Sancti Patris Augustini die ultima Mensis Junii 1680. -- F. Dominicus Valvasorius Mediolanensis Generalis licet indignus Ordinis Eremitarum S. P. Augustini -- Magister F. Carolus Maria Perusia Mediolanensis Secretarius Ordinis -- Loco + Sigilli -- Registrat. lib. 2.

Dat. 30. Junii 1680.

Preces Procuratoris Generalis.

Confirmatio præsentiarum ordinationum.

Clausulæ.

§. 5. Cum autem sicut eadem expositio subjungebat, ut literæ præinsertæ firmissime subsistant, & in Partibus adeo remotis executioni mandentur, ac serventur exactius, præfatus Procurator Generalis illas Apostolicæ confirmationis nostræ patrocinio communiti summopere desideret: Nos ipsius Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui memoratum Procuratorem Generalem audiverunt consilio, & attempta relatione dilecti filii nostri Palatii S. R. E. Presbyteri Cardinalis de Alteriis nuncupati, dicti Ordinis apud Nos, & Sedem Apostolicam Protectoris eisdem Cardinalibus super præmissis facta, præinsertas patentes literas cum omnibus, & singulis in eis contentis, & expressis auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & Facti defectus etiam substantiales, si qui desuper quomodolibet intervenerint, supplemus, salva tamen semper in præmissis auctoritate Congregationis memoratorum Cardinalium.

§. 6. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 7. Non obstantibus præmissis, ac Constitutionibus, & Ordinationibus Apostolicis; necnon quatenus opus sit Ordinis, & Provinciarum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dum-

taxat specialiter, & expresse derogamus, cæterisque contrariis quibuscumque.

§. 8. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ haberetur ipsis præsentibus si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die VIII. Augusti MDCLXXX. Pontificatus nostri Anno Quarto.

Conceditur Indulgentia Plenaria Perpetua semel in Mense Confraternitatibus Cordigerorum in Ecclesiis Conventualium S. Francisci erectis in die solitis Processionibus.

LXXXII.

INNOCENTIUS PAPA XI.

Ad perpetuam rei memoriam.

Dat. 26. Aug. 1680. An. 4.

AD augendam Fidelium Religionem, & animarum salutem cælestibus Ecclesiæ Thesauris pia charitate intenti, ac supplicationibus dilecti filii Joannis Franchini Mutinen. Ordinis Fratrum Minorum S. Francisci Conventualium nuncupatorum Procuratoris Generalis nomine Nobis super hoc humiliter porrectis inclinati, omnibus, & singulis Confratribus, & Confororibus Confraternitatum sub titulo, seu denominatione Funiculi ejusdem S. Francisci, sive Cordigerorum in Ecclesiis dicti Ordinis hætenus erectarum, & in futurum erigendarum vere pœnitentibus, & confessis, ac Sacra Communione refectis, qui, & quæ Processioni per easdem Confraternitates semel in Mense fieri solitæ devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione piis ad Deum preces effuderint, qua vice præfatarum id egerint, plenariam omnium peccatorum suorum Indulgentiam, & remissionem misericorditer in Domino concedimus, in contrarium facientibus non obstantibus quibuscumque. Præsentibus perpetuis futuris temporibus valituris.

Precibus Procuratoris Gener. Conventualium conceditur prædicta Indulgentia Confratribus, & Confororibus.

§. 1. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, ubique locorum habeatur, quæ haberetur ipsis præsentibus, si forent exhibitæ, vel ostensæ.

Clausulæ.

Datum Romæ apud Sanctam Mariam Majorem sub Annulo Piscatoris die XXVI. Augusti MDCLXXX. Pontif. nostri Anno Quarto.

Conceditur Indulgentia Plenaria Perpetua visitantibus aliquam ex Ecclesiis Fratrum, vel Monialium Ordinis S. Francisci in Festivitatibus dicti Sancti, necnon Antonii de Padua, Bonaventuræ, Ludovici Episcopi, Bernardini, ac S. Claræ.

LXXXIII.

INNOCENTIUS PAPA XI.

Universis Christifidelibus presentes literas inspecturis. Salutem, & Apostolicam Benedictionem.

Dat. 26. Aug. 1680. An. 4.

CUM a primæva Institutione Regulæ Beati Francisci, tam ob illius, & Sanctorum Antonii de Padua, Ludovici Episcopi, & Confessoris, Bonaventuræ, & Bernardini, necnon Sanctæ Claræ, aliorumque ejusdem Ordinis se-

Causa Indulgentiæ.

quacum